



UBongani Mayosi, uDokotela wenhliziyo

Nozuko Mkizwana

Sibusiso Khumalo



Le ndaba ixoxa ngoDokotela waseNingizimu
Afrika uBongani Mawethu Mayosi.

WayenguSosayensi owathola into ebalulekile
mayelana nesifo senhliziyo.



UBongani wazalwa ngonyaka we-1967. Wazalelwa eMthatha, esifundazweni saseMpumalanga Kapa eNingizimu Afrika.

Wafunda isikole esigodini saseNgqamakhwe.


Umama kaBongani wayengumhlengikazi, kanti ubaba wakhe wayengudokotela.



Njalo uma bebuyela ekhaya ekupheleni kosuku,
abazali bakhe babexoxa ngemisebenzi
ababeyisebenza.

UBongani wazizwa esenothando lwezempilo nokusiza
abantu.

Waba nothando lweSayensi yezempilo.




Esikoleni uBongani wayethanda iZibalo neSayensi yempilo.

Wayesebenza kanzima kulezo zifundo ngoba efuna ukuba ngudokotela.

Emva kwemfundo yamabanga aphakeme, wafunda enyuvesi yaKwaZulu Natal nakweyaseKapa.


Wayengumfundi ovelele kakhulu.



UBongani wathola umfundaze wokuqhuba izifundo zakhe enyuvesi i-Oxford eseNgilandi.

Waphinde wafunda naseMelika. Wabe esebuya eza eNingizimu Afrika ukuzosebenza njengodokotela.

Wayengudokotela omuhle onesineke, othanda iziguli zakhe.



Akuthathanga isikhathi eside ngaphambi kokuthi uBongani abuyele phesheya kwezilwandle futhi.

Wayefuna ukufunda kabanzi ngokuphathelele nenhliziyi ikhadiyoloji.

Ikhadiyoloji yisifundo senhliziyi nezifo ezithinta inhliziyi.

UBongani wayengudokotela wenhliziyi, i-*Cardiologist* ngolimi lwesiNgisi.



UDokotela uMayosi wasebenza nabanye abacwaningi phesheya.

Bathola into ebaluleke kakhulu.

Laba bacwaningi bathola ukuthi kungani abanye abantu behlushwa yisifo senhliziyo.


Lokhu abakuthola kwakubaluleke kodokotela bomhlaba wonke jikelele.



UBongani wabuyela eNingizimu Afrika esenolwazi lobuchwepheshe kwezempilo.

Wasebenza noNgqongqoshe wezempilo wezwe futhi wanikeza izeluleko ngezinkinga zezempilo ezweni.

Iphupho lakhe kwakungukubona amazwe ase-Afrika exazulula izinkinga zawo zempilo ngokusebenzisa iSayensi.



UBongani wayezithemba njengosoSayensi wase-Afrika.
Ucwaningo aluthola lwalubaluleke umhlaba wonke.

INingizimu Afrika yagubha umsebenzi wakhe
nempumelelo yakhe.


Wahlonishwa ngendondo yeSayensi ephezulu kakhulu
ezweni, ebizwa ngeSimiselo seMapungubwe.



UBongani wayenguSolwazi wezeNhliziyo eNyuvesi yaseKapa (UCT).

Ngemfundiso yakhe, wadlulisela ulwazi lwakhe kubafundi bakhe.

Wayebuqonda ubunzima abafundi abaningi ababebhekene nabo. Wakhuthaza odokotela abasebasha nabanye abafunda iSayensi yezempilo.



USolwazi uMayosi wakhushulwa waba ngumphathi weSayensi yezempilo eNyuvesi yaseKapa.

Wayehlezi ematasatasa ngomsebenzi wakhe.
Wayenguthisha, umcwaningi, nomholi.

UBongani Mayosi ukhunjulwa njengesibonelo kubantu abaningi.



Wasuka esikoleni sasemaphandleni waba ngumholi weSayensi yezempilo kwiNyuvesi ephezulu yaseNingizimu Afrika.

Waba nguchwepheshe emhlabeni wonke kwezeSayensi yezempilo.

UBongani wazuza lukhulu empilweni yakhe kodwa wayezithobile.



Uma sifunda ngeSayensi, singacabanga ngoDokotela
uMayosi.

Singagubha impumelelo yakhe kanye neyabanye
oSosayensi abaningi base-Afrika.

Singahalalisa futhi ngokubaluleka kolwazi lwase-Afrika.

—Imibuzo

1. Ngubani oxoxa le ndaba? Imayelana nobani le ndaba?
2. Waba nini nothando lwezempilo neSayensi uBongani futhi kungani?
3. Yini i-*Cardiology*? Iyini i-*Cardiologist*?
4. Iyini i 'Sayensi yezempilo'? Thola kabanzi ngomsebenzi weSayensi yezempilo.
5. NjengoSosayensi Wezempilo Nodokotela Wenhliziyi, uBongani wawusiza kanjani umphakathi?
6. Thola mayelana nabanye oSosayensi abathathu base-Afrika.
7. Yiziphi izinhlobo zezinkinga zezenzalo okhuluma ngazo ekhaya?
8. Chaza ukuthi imfundo yakho ingakusiza kanjani ukuba uxazulule ezinye zalezi zinkinga zezenzalo.

—Izincwadi ezikulolu chungechunge

- Andile Mji
- U-Asnath Mahapa
- UBongani Mayosi
- UCharlotte Maxeke
- UMmantsane Moche Diale
- UMulalo Doyoyo
- UTebello Nyokong
- UTshilidzi Marwala

Lendaba ibhalwe ngolimi lwesiXhosa nje
ngengenywe yezinsiza zokufunda zeprojekthi
yeZenex Ulwazi Lwethu ngonyaka wezi-2020.



Ulwazi Lwethu is a Zenex Foundation funded and initiated project to develop a series of graded and leisure African language readers and teacher support materials. This project is targeted at teaching and supporting learners in the Foundation Phase to improve their home language reading and understanding. The readers have been originated in nine African languages in collaboration with Molteno Institute for Language and Literacies, Nelson Mandela Institute for Education and Rural Development, Room to Read South Africa, and Saide. All resources are developed as Open Education Resources (OER).



basic education

Department:
Basic Education
REPUBLIC OF SOUTH AFRICA

*The Ulwazi Lwethu readers and storybooks have
been quality assured and approved by DBE.*

Your attribution should include the following:

Title: UBongani Mayosi, uDokotela wenhliziyo

Author/s: Nozuko Mkizwana

Translator/s: Zanele Ndlovu

Illustrator/s: Sibusiso Khumalo

Assurer/s: Zanele Zuma

Language: isiZulu



© Zenex Foundation - Saide 2025 (Updated Edition)

CC BY includes the following elements:

BY  – Credit must be given to the creator

